



بهاي ارق دان جو دي

13 اوكتوبر 2017 / 23 محرم 1439

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ
مِنْ شُرُورِ أَنْفُسِنَا وَمِنْ سَيِّئَاتِ أَعْمَالِنَا. مَنْ يَهْدِهِ اللَّهُ
فَلَا مُضِلَّ لَهُ وَمَنْ يُضِلِّ فَلَا هَادِيَ لَهُ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ
سَيِّدَنَا مُحَمَّدًا عَبْدَهُ وَرَسُولَهُ. اللَّهُمَّ صَلِّ وَسَلِّمْ وَبَارِكْ
عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، وَأَوْصِيكُمْ وَنَفْسِي
بِتَقْوَى اللَّهِ وَطَاعَتِهِ لَعَلَّكُمْ تُفْلِحُونَ.

ماريله كيت برسام ۲ منيغكتكن كتقوا عن كقد الله ﷺ
دغن ملقساناكن سكالاً فرينته دان منيغكلكن سكالاً
لارغنش. موده-مودهن كيت دبركتي دان درحمتي
الله ﷺ ددنيا دان اخيرة.

سیدغ جمعة یغ درحمتی اللہ ﷻ،

ممینوم ارق دان برجودی مروفاکن دوسا بسر
یغ منجادی قباکیت سبهاکین درقد مشارکت یغ
مغیغکاری فرینته اللہ ﷻ. فرمسئلہن این تله فون
وجود سجد دھولو لاکھی سهیغک اللہ ﷻ مپاتاکن
فرکارا این ملالوئی فرمانش دالم سورة البقرة ایات
:219

أَعُوذُ بِاللَّهِ مِنَ الشَّيْطَانِ الرَّجِيمِ

يَسْأَلُونَكَ عَنِ الْخَمْرِ وَالْمَيْسِرِ قُلْ فِيهِمَا إِثْمٌ
كَبِيرٌ وَمَنْفَعٌ لِلنَّاسِ وَإِثْمُهُمَا أَكْبَرُ مِنْ نَفْعِهِمَا

یغ برمقصود: مریک برتاش کفدامو (واهای
محمد) مغانئی ارق دان جودی. کاتاکنله: "قد
کدواش اد دوسا بسر دان اد قولاً ببراغ منفعه
باکھی مانسی تتاخی دوسا کدواش لبیه بسر درقد
منفعتش .

سبدا رسول اللہ ﷺ دالم حدیث یغ دروایتکن اولیه
امام ابو داود:

مَا أَسْكَرَ كَثِيرُهُ فَقَلِيلُهُ حَرَامٌ

یغ بر مقصود: اف یغ ممامبو قکن دالم جومله یغ باق، مک جک سدیکیت فون حکومش حرام.

جودی قد اساسش مروفاکن فرتاروهن اونتوق مندافتکن کاونتوغن موده سدعکن کاونتوغن ترسبوت بلوم فستی دفر اولیھی. قد ماس دهولو ککیاتن جودی دلاکوکن دالم بنتوق منیکم نومبور ایکور، فرتاروهن لاک ایم، فرتاروهن دالم فرماینین داون تروف دان لاین ۲.

قد ماس کینی فولا بنتوق فرجودین دلاکوکن دغن چارا بارو سفرتی ماین تیکم، جودی کودا، میسین فرماینین جودی، فرتاروهن بولا سیفق، فرجودین اینترنیت (internet)، فرتاروهن دالم سسواتو فرتندیغن دان سباکایش. دسمقیغ ایت، وجود جوک فوست ۲ فرجودین دسداکن اولیه فغوسها جودی تنفا لیسین سفرتی دالم فریمیس فرنیاکائن، درومه ۲ سیوا دان دکاوسن ۲ لادغ.

ارق دان جو دي دکنديشکن اوليه الله ﷺ دالم القرءان
 بائي معمبرکن کدوا ۲ فرکارا اين ممقوپاي کسن يث
 امت بوروق کفد مشارکت دان نکارا سام اد اومت
 اسلام اتاوقون بوکن اسلام. فرمان الله ﷺ دالم
 سورة المائدة ايات 90:

يَا أَيُّهَا الَّذِينَ ءَامَنُوا إِنَّمَا الْحُمُرُ وَالْمَيْسِرُ وَالْأَنْصَابُ وَالْأَزْلَمُ
 رِجْسٌ مِّنْ عَمَلِ الشَّيْطَانِ فَاجْتَنِبُوهُ لَعَلَّكُمْ تُفْلِحُونَ ﴿٩٠﴾

يغ بر مقصود: واهاي اورغ يغ برايمان! بهاوا
 سسوغکوهش ارق، دان جو دي، دان قوموجاءن
 برهالا، دان معوندي نصيب دشغن باتغ ۲ انق فانه،
 اداله (سمواش) کوتور (کجي) دري قربواتن
 شيطان. اوليه ايت هندقله کامو منجاءوهيش
 سوفاي کامو برجاي.

سیدغ جمعة يغ درحمتي الله ﷺ،

اومت اسلام واجب ممليهارا عقل، هرتا، پاوا،
 مرواه دان کتورونن سفرتي يغ دکهندقي دالم مقاصد
 الشريعة. ممينوم ارق اکن مروسقکن عقل فيکيرن

دان مڭھیلغکن کوارسن دیری سرتا منجادیکن ای
کتاکیه ارق. ستروشن کاداعن این اکن مروسقکن
اینستیتوسی (institusi) ککلوارکائن سهیغک
سغکوف برکادوه، منچوری، مروکول مالهن ممبونوه
عقیبه قغاروه ارق.

اد ثون مریک یغ ترلیبت دغن جودی سغکوف
مڭھایسکن واغ ریغکیت اونتوق کفرلوان کلوارک
سفرتی فربلنجاعن اونتوق ماکن مینوم، فرسکولهن
انق ۲ دان دبانی دغن هوتغ یغ اخیرث بولیه مپیکن
ای منجادی مُفلس. کهرمونین هیدوف بر مشارکت
جوک اکن منجادی روسق دسبیکن ککیاتن فرجودین
سفرتی برلاکون فرکادوهن، دندم مندندم دان
تیدق مڭحورمتی انتارا ساتو سام لاین یغ مپیکن
فرموسوهن یغ برقنجغن سهیغک بولیه ممباوا کقد
فرقچهن مشارکت.

ارق اداله ایبو سکالا کجاهتن دان مروفاکن سبسر ۲
دوسا. دالم سقوتوغ حدیث یغ دروایتکن اولیه امام
الطبرانی، رسول الله ﷺ فرنه دتاش مڭناعی ارق، لالو

بکیندا منجواب:

هِيَ أَكْبَرُ الْكَبَائِرِ وَأُمُّ الْفَوَاحِشِ،

یغ بر مقصود: ای اداله سبسر ۲ دوسا دان ایبو
کقد سکالا معصیه.

سیدغ جمعة یغ در حمتی الله ﷻ،

کتهوئیله بهاوا ممینوم ارق دان برجودی اداله
مپالهی اینقمن (enakmen) کسالهن جنایه شریعة
2013 سیکشن 26 دان 27 جک ثابت کسالهن بولیله
دکناکن حکومن دندا سهیغک لیم ریبور یغکیت اتاو
قنچارا تیدق لبیه درقد تیک تاهون اتاو سباتن.

ماریله کیت برکندیغ باهو ممبتتس کجالا ارق دان
جودی کران حقیقتن شیطان معهندقی اکر مانسی
ایت سنتیاس برتلیغکه دان بر موسوه-موسوهن
سسام مریک عقیبة درقد ارق دان جودی. اخیرث
مانسی اکن جاءوه درقد معیغاتی الله ﷻ.

أَعُوذُ بِاللَّهِ مِنَ الشَّيْطَانِ الرَّجِيمِ

إِنَّمَا يُرِيدُ الشَّيْطَانُ أَنْ يُوقِعَ بَيْنَكُمُ الْعَدَاوَةَ
وَالْبَغْضَاءَ فِي الْخَمْرِ وَالْمَيْسِرِ وَيَصُدَّكُمْ عَنْ ذِكْرِ اللَّهِ وَعَنِ
الصَّلَاةِ ۗ فَهَلْ أَنْتُمْ مُنْهَوْنَ ﴿٩١﴾

يغ بر مقصود: سسوغكوهش شيطان ايت هاپاله
بر مقصود ماهو منيمبولكن فرموسوهن دان
كبنچين دانتارا كامو دغن سبب ارق دان جودي،
دان ماهو مماليعكن كامو درقد مغيغاتي الله دان
درقد مخرجاكن سمبهيغ. اوليه ايت، ماهو كه
كامو برهنتي (درقد ملاكوكن فركارا ٢١ يغ كجي
دان كوتور ايت اتاو كامو ماسيه بردكيل)؟

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ
بِمَا فِيهِ مِنَ الْآيَاتِ وَالذِّكْرِ الْحَكِيمِ، وَتَقَبَّلَ مِنِّي وَمِنْكُمْ
تِلَاوَتَهُ إِنَّهُ هُوَ السَّمِيعُ الْعَلِيمُ.

أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ،
فَأَسْتَغْفِرُوهُ إِنَّهُ هُوَ الْغَفُورُ الرَّحِيمُ.